



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1652.

urn:nbn:de:hbz:466:1-29436

fariorum expresso excedit regno, & per Sedanum fugit Coloniam ad Electorem. Fugam secuta proscriptio ejusdem solennis à Parlamento, promissis 60 aureorum millibus sicario, qui Cardinalem occiderit. Susceptâ tamen paulò post administratione regni à Ludovico XIV. anno ætatis 14. Mazarinus, ita volente Rege, redit ad Franciæ confinia armatus, Condæus contra cum fratre Contio & Marsinio Prorege Cataloniæ deficit ad Hispanos, quanto horum honore & commodo, tanto nominis Gallici dedecore & damno.

Veneri prosperè contrà Turcas bellum sustinent.

Rex Casimirus Polonus die 30 Junio potitur insigni victoriâ & prædâ de Cosakis & Tartaris cæsis Barbarorum plus 10000, de suis desideratis vix 2200.

Moritur hoc anno Maximilianus Elector Bavarix, anno ætatis 78. Princeps ex æquo religiosus, prudens, & in paucis ad fidei Catholicæ & Imperii incrementum semper animatus.

ANNUS 1652.

HOc anno Romam venit legatio ex Siniis, quam obiit P. Martinus Martini-

E 5

usex

ex Soc. Jesu, missa à Jungliæo Imperatore Sinarum, cujus mater & filius primogenitus, dictus Constantinus cum Principe Eunuchorum Achille Panga, jam Christianis acquiserant abluti.

Plebs Parisiensis iterum in seditionem versa, in centore potissimum Condæo, qui ignoto habitu Parisios in hunc finem advolaverat, non sine cædibus tumultuatur. Acriter pugnatum inter Regios & seditiosos, quos tandem Rex vincit, & ad æquiora adigit. Tum Condæm, Contium Ducem, Ruffocensem, & Ducissam Longavillæam rebelles & reos læsæ majestatis proclamat, & Mazarinum reducem ab exilio honorificentissimè cum tota aula excipit; Cardinalem verò Redesium, tanquam virum turbulenti & inquieti ingenii, & Mazarino adversantem comprehendi, & in custodiam Vicennialium abduci jubet.

Angli authore Cromvelio bellum indicunt Batavis ob piscationem pelamidum in Oceano Scotico circa Orcadas.

Hispani recuperant Belagueriam, Gerundam & tandem Barcionem. In Belgio verò Gravelingam; moxque Dünkercam peste laborantem ad deditioem cogunt.

Fer-

Ferdinandus Imperator comitia celebrat
Ratisbonæ mense Decembri.

Poloni primò victores Cosaccorum su-
perantur ab horum auxiliaribus Tartaris.
Camieniecka tamen tentata septies, illæsa
semper perstitit, naturâ loci simul & virtu-
te propugnatorum.

Sub finem autumni herbæ & radices ar-
borum absumptæ in Polonia à Locustis.
Unde anno insequenti orta fames & gravis
pestilitas extinxit multa hominum millia.

Hoc anno demùm festo trium Regum
Colonix publicè in manibus Electoris &
Archiepiscopi solenniter ad aram facientis
professus est Ernestus Landgravius Hassus
Rheifelsensis cum conjugè Eleonora Maria
Comitissa Solmensi, fidem Catholicam,
quam postea etiam scriptis egregiè propu-
gnavit.

In Africa hoc eodem anno adjunctus est
Christo operâ PP. Dominicanorum Rex
Monomotapæ cum conjugè, & filio pri-
mogenito. Regi inditum est nomen Do-
minici, Regina Ludovicæ. Filio placuit
nomen Michælis, qui spreto subinde regno
amplexus institutum S. Dominici, & studiis
cum laude absolutis Magister Theologiæ

creatus, totus deinde fuit in promovendâ
Cæſorum, ſuorum populariũ, converſione.

ANNUS 1653.

Menſe Majo die 31 eligitur Auguſtæ Vin-
delicorum in Romanorum Regem
ab Octovirũ Collegio Ferdinandus Un-
gariæ & Bohemiæ Rex, Ferdinandi Impe-
ratoris filius, inauguratus mox ſequenti
Julio Ratiſbonæ ingenti pompâ; deinde
Ferdinandus IV. ſed non diu appellatus.

In Campania Galliæ Cardinalis Maza-
rinus rem proſperè gerit contra hoſtes
Franciæ.

Cromvelius pace ubique per Inſulas Bri-
tannicas compoſita etiam Scotiæ & Hiber-
niæ Proteſtor renunciatus, ea in Parlamen-
to & regno authoritate & poteſtate armatâ
perfecit, quæ Reges Angliæ etiamnum fieri
poſſe deſperant.

Acerrimè hoc annò certatum ſæpius in
utroque mari à duabus formidandis classi-
bus Angliçâ & Batavâ, ſed dubio plerumq;
Marte & ancipiti victoria, magis tamen
converſa ad Anglos, quam Batavos. Unde
hi ab illis quaſi victi pacem turpiter poſtu-
larunt.

Hoc anno menſe Majo Innocentius X.

pro-